

Design  
mode...

সিরিয়াকে সর্বাধুনিক সমরাস্ত্র ও প্রতিরক্ষা সরঞ্জামে সুসজ্জিত করে দেবে ইরান।

দামেস্ক সফরকারী ইরানের প্রতিরক্ষামন্ত্রী ব্রিগেডিয়ার জেনারেল মোহাম্মাদ রেজা আশতিয়ানি তার সিরীয় সমকক্ষ লেফটেন্যান্ট জেনারেল আলী মাহমুদ আব্বাসের সঙ্গে এক বৈঠকে তার তেহরানের এ প্রস্ততির কথা ঘোষণা করেন।

তিনি বলেন, সিরিয়ায় উগ্র সন্ত্রাসী গোষ্ঠীগুলোর বিরুদ্ধে সেদেশের সেনাবাহিনীর সর্বাঙ্গিক যুদ্ধে ইরানের প্রতিরক্ষা মন্ত্রণালয় ও সশস্ত্র বাহিনী দামেস্কের পাশে ছিল।

ইরানের প্রতিরক্ষামন্ত্রী আরও স্পষ্ট করে বলেন, সিরিয়ায় অত্যাধুনিক সমরাস্ত্র উৎপাদনের কারখানা স্থাপন করা সম্ভব যাতে সব ধরনের কৌশলগত অস্ত্রসস্ত্র উৎপাদনের মাধ্যমে দেশটির জনগণের সর্বোচ্চ নিরাপত্তা নিশ্চিত করা যায়।

তিনি আরও বলেন, সিরিয়ার সামরিক সামর্থ্যের শক্তি বাড়াতে দেশটির প্রতিরক্ষা অবকাঠামাকে কয়েক স্তরে চেলে সাজানো প্রয়োজন।